

Director di DOW Sr. Jossy Figaroa ta bolbe sigura BON DIA ARUBA cu

Camindanan den Oranjestad ta keda habri completamente dia 4 di juni 2013



Director di DOW sr. Jossy Figaroa

ORANJESTAD – Departamento di Oبران Publico tin diferente proyecto andando actualmente. Na San Nicolas na tur e Hill weg nan tin caminda cera. Tambe den Sint Maarten Straat tin caminda cera. Esunnan cu ta causando mas molester berdad ta e camindanan den Oranjestad.

HABRI CAMINDA

E caminda cu ta mas importante awor aki den Oranjestad ta Havenstraat cu ta bay ta basta tempo cera. DOW ta purbando pa termina e caminda mas lihe cu ta posibel. E intencion di DOW ta pa tur e camindanan aki keda habri full pa 4 di juni. Director di DOW a bisa cu e fecha aki ta e fecha stipula pa tur e trabounan den Caya Grandi. Na mes momento tur caminda rond cu ta Havenstraat y Nieuwstraat

CAMINDA CERA

Den Madiki tin varios caminda cera, pero autonan por core. E caminda di mas fastioso ta Havenstraat y Nieuwstraat. Tin camindanan alternativo pa nan, pero auto mester core mas poco poco. Figaroa a bisa cu bialha pasa cu a cera Havenstraat y a pone e autonan a core den Schelpstraat e tabata bay mas rapido. Loke ta pasa awor ta cu hopi hende no sa con pa core e caminda, pero ta pone borchin na tur caminda pa di e forma aki splica e hendenan con pa core na un manera mas eficiente.

SITUACION

Tambe tin e caminda pabou di Kentucky Fried Chicken cera, pero a cambia e ruta. E no ta un problema di trafico, pero mas tanto e ta cu ora cu cambia un situacion di trafico, e ta bira fastioso. Director di DOW ta spera cu den e lunanan dilanti tur trabou por keda cla. Na momento cu tur e trabounan aki keda finalisa, e situacion nan di trafico ta normalisa. Loke mester tene cuenta cune, ta cu e situacion di trafico den futuro ta bay keda un poco diferente. entre otro den Caya Grandi autonan no por pasa mas. □